

**O R A T I O**  
**ALEXANDRI DONATI**  
**E SOCIETATE IESV**

HABITA XV. KAL. IAN. M. DCIX.

IN FVNERE. ILL.<sup>mz</sup> ET EXC.<sup>mz</sup>

**MARIAE CAESIAE**  
**AB ALTAEMPS**

**I N S. A P O L L I N A R I S**  
*Collegij Germanici, & Ungarici*  
*Sacra ade.*

LIBR. MUSEI  
 HIST. NAT. MUSEI  
 VITTORE EMANUELE



**R O M A E,**

---

Apud Stephanum Paulinum. M. DCX.

---

SVPERIORVM PERMISSV.

*Imprimatur si videbitur R. P. M. Sac. Pal. Ap.*  
*Cæsar Fidelis Vicefg.*

*Imprimatur, Fr. Thomas Pallavicinus Bonon.*  
*Magister, & Reuerendissimi P. Fr. Ludouici*  
*Ystella sacri Palatii Apostolici Magistri So-*  
*cii, Ordinis Prædicatorum.*

## O R A T I O.



EC vero vocem expectatis, Cardd. Amplifs. Princip. Excell. quę Io. Angeli Altaempfi in acerbo Marię vxoris funere dolorę leuet, aut Parentũ lacrymas clarissimę filię desiderio profusas ac pænę consumptas intercludat: sed quę in summo mœrore, & grauissimi casus recordatione, si minus defunctę laudes assequi & cõplecti vniuersas, debitas certe hodierno funeri, & communes omnium querelas interruptis fletibus deplorare possit. Multũ enim abstulit immatura mors, quę in hoc suo mortalitatis regno etsi nostris corporibus cõtumeliose, & crudeliter illudit; durior tamen ac tristior videri voluit, cũ rapta ex humanis Maria, eadem ruina recentem adolescentulę ætatem, nobilissimum genus, incorruptos mores fregit & obruit: & familiam in Romana Ciuitate florentissimam, pari coniugum religione celebratam, subita calamitate perculsam iacentemq. deformauit. Itaq; extincta vnus vita, non spem modo adultę iuuentutis, non materiam crescentis glorię intempestiuę præreptam lamentamur: sed corroboratam exiguo annorum interuallo perfectamq; virtutem concidisse, quã totius vrbs ordines infimi æque ac summi prædicarant, quam incredibili fama integritatis & innocentię suspexerant, quam viderant illustribus feminis exemplo esse in præsentia, posteris futuram sæculorum ætatibus admirationi. Hęc adeo sunt, quibus concitata multitudo templi aditus, & hunc locum non tam funestis vndecumq; facibus, quam clarissima Marię memoria illustrem obsedit: prodijt è domestico fletu nobilium matronarum squalor ac luctus, quę

ciuem ereptam in lugubri exequiarum apparatu, in ipsis prope sepulchrorum tenebris requirunt. Ego vero quod alijs dicendi esse solet, illud video mihi periculi materia fore. Nam ut ipse vehementissime commoueor, cum omnia in mentem veniunt, quæ Maria Cæsia institutis tum optimæ grauissimæq; matris Olympiæ Vrsinæ, & auia ornatissimæ Beatricis Caetanæ tum ad Altempsiam familiam inuiolabili traducta sacramento piæ, sanctæq; molita est: ita vereor, ne auditores, quorum animos illa ipsa peruagata omnium sermonibus occupaue-  
rant, nec deploratam pro acerbitate mortem, nec pro dignitate laudatam vitæ innocentiam arbitrentur. Quod si in multorum aures nimis attentas ac religiosas incidimus, profecto vel ex nostra sententia iudicabunt, ornatissimo funci, quale amplissimi coniugis aut amor aut dolor excogitare & comparare potuit, præclaris defunctæ laudibus tantummodo laudatorem defuisse. Sed habeo eximium in primis tutorem ac patronum magni nominis virum Nazianzenum, cuius grauissima vox est: funebrem de Gorgonia sorore orationem (magnificam illam quidem, & ab eloquentissimo oratore institutam) incultam atq; inornatam debuisse proferri, quod quæ laudaretur muliebres præ ceteris munditiis & inanem corporis cultum ornatumque neglexisset. Par est de Mariæ laudibus argumentum; cui fortunæ, corporisq; dona non tam large natura dedit: quam ipsa; præ animi pulchritudine serio despexit. Igitur ad rem venio; neq; ut arbitror, prouinciarum ac bellorum administrationes à femina desiderantur, quæ multorum aures solum feriunt in dicendo, at cum de feminis dicuntur, poëticæ magis fabulæ, quam Historicæ veritati, aut fidei oratoriæ videntur accomodata: sed contendo Ma-

ria

ria virtutem cum rerum diuinarum studio ac religione  
coniunctam, eandemq; ipsi laboriosam, fructuosam a-  
lijs extitisse. Itaque primam orationis partem religio-  
ni ac pietati tribuam; altera singularem in summa re-  
rum affluentia moderationem vsuq; complectar; in  
quibus absoluta laus à dicendi magistris collocata est.  
Et primum quidem de religione caput à laudabili vir-  
tute vsque adeò separari non potest, vt nullus vitæ mo-  
dus & actio futura sit, quam non pietas suis legibus tam-  
quam domina moderetur. Atq; vt ex ea deducatur o-  
ratio, num ab vltimo vitæ actu exordiar, ac præclaro il-  
lo testimonio pietatis; cum extremo spiritu animum fa-  
bricatori Deo. corpus, quod magnæ Virginis obsequio  
antea manciparat, eidem in Lauretana Gella colloca-  
dum legauit? an oportet primos ætatis annos Deo ac  
pudori consecratos exponere? Audio enim ex Platonis  
disciplina per multos de pueritia nihil sublime nihil sã-  
ctum cogitare. Est huius ætatis, inquit ille, incertus eue-  
tus, neq; satis constat quam in partem propensa feratur  
natura, quam occulto sensu nondum distrahit aut ille-  
cebra voluptatis aut cognitio virtutis. Dubia homi-  
num consilia, varia mens, mobile ingenium. quid  
puellarũ? quas suamet conditio, & numquam intermis-  
sa leuissimarum curarum aura commutat, atq; ab animi  
cultu ad bullatas auocat nugas, & inanes risus. Quid re-  
ligioni commune nisi graue ac sanctum? quid puellis ni-  
si vanum ac leue? quibus, si capillum si vestem excipias,  
carum aut probatum nihil. Hæc acutè quidem dispu-  
tant, qui humana omnia suis examinata ponderibus ne-  
scio in qua doctrinæ trutina nimis accuratè suspendunt.  
An vero ex parentum nobilitate, claritudine, virtute  
nihil hereditario iure deriuatur ad liberos? nihil ex pa-

terno maternoque sanguine, quo etiam belluas cicutas  
aut feras habemus, heres paterni neminis, honoris, glo-  
riæ potest haurire? Et sane Atticis ciuibus in acie cadentibus  
ingeneratam virtutem à maioribus, patriæ ac pro-  
tinciæ natura conspirante, affirmavit Plato: idque omni-  
bus commune esse voluit, siquidem patria non extrin-  
secus venientes tamquam nouerca recipiat, sed ex sese  
productos alat mater & nutriat. Sed hoc nimis remo-  
tum in laudationem quadrat: habeo satis magnificum  
aliunde argumentum, habeo Federici, & Olympiæ Ex-  
cellentissimorum parentum: patruum Bartholomæi Illustris-  
s. Cardinalis: fratris Federici Marchionis, aliorumque pie-  
tatem & gloriam, ex vltima antiquitate Romanos Cæ-  
sares. Etenim ea familia ex Federico fratre Siluestri eius  
nominis Secundi, Pontificis Maximi profecta, potens  
oppidorum atque urbium principatu: chlamydata Du-  
cum imperijs: amplissimis honoribus, Pontificijsque mu-  
neribus exornata: sacra animarum custodia, Romanæ  
purpuræ splendore, administratione prouinciarum, Fla-  
minia, Umbria, Bononia magistratibus illustris, ad inue-  
teratam gentis gloriam immortale studium tuendæ re-  
ligionis adiunxit. Respicite in urbis amplitudine Cæ-  
saris Pietatis munificentiam: templa, sacella, aras, monu-  
menta, ornamenta sacrorum ac domicilia: ædes sacris  
familiaribus constitutas, laxatas domos, erogatas pecunias,  
magnis sumptibus frumentaria largitione leuatam ege-  
statem: etiam extra urbem effusa liberalitate, Narnia,  
Tuderti, Aquæsparta, in oppidis, in solitudine instau-  
rata crecta templa: extructa & annuis fructibus copiose  
donata sacrarum Virginum virorumque Cænobia. Ut  
mirum non sit maiorum pietatem tantis ubique monimen-  
tis priuatim ac publice testatam in vnius Mariæ animi

pari

pari contentione propagandam confluxisse . Itaq; in primo annorum cursu ac prælusione vitæ, insitos genti mores, maiore utiq; spe fecunditatis è puella prodire intuebantur omnes; ut facile intelligerent, quid posset

*Mens rite, quid indoles  
Nutrita sanctis sub penetralibus.*

Et vero in illa ætatula cùm veterum memoria & imagines adhortabatur, tum Olympiæ Matris, & Auię consuetudo, proposita sanctitas matronarum, æmulam gēilitiæ virtutis in muliebris gloria esse admonebat. Beatrix enim ac plane beata femina, in quā Berecinthiæ fortunā, deorū partu ac caelesti nepotū posteritate insignē multo verius transferre possem : in tanto Dynastarum, & Cardinalium numero, quos aut affinitatis coniunctione, aut parentum amplitudine vidisset, aut familiæ in quam ex nobilissimo genere nupserat, ex se productos dedisset : in tanto honore, tanta diuitiarum copia, vnam dumtaxat complexa pietatem, eius laude flexus ætatis omnes, & confecta humanę vitę longissima spatia consecrauit. Sed Olympiam quantum Vrsina ac Cæsia dignitas extulit : tantum ipsa, maiorum laude virtutum vtriusque generis ornamenta cumulauit. Quid putatis puellam tam bonis artibus instructam arripuisse? quantum porro præsidij ad Naturæ habitum moderatum & grauem, industrię ad ingenium, decoris ad pudorem, ad animum deniq; quàm eximiam & illustrem accessisse rationem conformationemque viuendi? Alexandrum nemo nisi Apelles coloribus in tabula, aut ex ære Lyfippus referre potuit. Inditum est hoc magnis viris, ut aptā compositionem conformationemq; corporis, cuius dignitate ceteros vincunt, solum effingi velint opificum artifi-

artificio & industria optimorum. Sed animi pulchritudo haud facile depingitur aduentitia manu. Speciem leporemq; conspirantium inter se virtutum: Beatricis, Parentum integritatem Maria vel perfectius expresseit imitando, vel adiuncta morum venustate ac splendore, miro artificio suavius colorauit. Vix dum soluto ore per pauca balbutire cœperat, cum animus ad diuina sublatu primis oculis idemtidem sacra cœlitum mysteria permiscebat. Domestici commemorant, cum prima litterarum rudimenta addisceret, numquam e cœclau pedem referre solitam, nisi præceptorem ad propitiandam minoribus litanij Virginem inuissset, suo exemplo grandem ætate virum triennis puella ad sacros cantus & symphonias prope nolentem pertraxisset. Neq; enim tanti nominis hereditatem sibi Maria sine legitimo virginis patrocinio vendicarat; quin possus illi studiosam se obtulit virtutum imitatricem, cuius nomen singulari beneficio referebat. Itaque mirum non est, si quantum feminae ad vultus stybio vnguentoq; decolorandos, ad crispandos comendosq; capillorum cincinnos, ad speculi voluptatem, ad intempestiuos sermones: tantum Maria ad preces inflammato animo recolendas, pudoremq; firmissimis cœlitum præsidij obvallandum consumpserit. Quos ego hic testes adhibere possem? quanta auctoritate? quanta fide? qui etiam adsunt, qui dicerent diurno puellæ operi vicario munere successisse nocturnas ad precandum excubias: illam cum ceteros facilitate atq; humanitate superasset, cum ad nutus imperantium, nedum verba se totam finxisset, iterum ad conciliandum sibi Numen promptè alacriterque confugisse; neq; in cursu instituto longius prouectam adolescentulam fuisse aliquando aequalium con-

fuetu-



suetudine, non vrbis cognitione, non amœnitatum voluptate non tædio laboris, non desiderio quietis, non communi nuptiarum cupiditate retardatam. At enim priuata hæc sunt munia puellarum, quæ tamquam in arce pudicitia continentur domi, & hominum conuentus lucemq; publicam perhorrescunt. Quod etiam nescioquo Vrsarū simulacro Athenæ disciplinarum magistræ significarunt; vt, quemadmodum illæ è suis numquam latebris nisi ad pastum egrediuntur: ita Virgines tantum ad arcana sacrorum mysteria, idest ad pastum animarū, è priuata domorum custodia educantur. Ego verò non hæc de Maria prædico, perinde ac sine viro totum in religione negotium habuerit, nec maiores in illa progressus fecerit cum viro. Nam vt ad hunc locum veniam, tibi sane Altaempfi molestum, & grauem, atq; vt mecum calamitatem recognoscas & ærumnas tuas, non quò acerbitas doloris recentis boni recordatione recrudescat: sed ne vxoris laudem, quam tu profusissima largitione ac funebri triumpho magnopere auxisti, videar imminuere reticendo. Splendidum tibi munus diuinitus cōparatum animaduertes, si Mariam Cæsiam optatis nuptiis Altaempfiæ dignitati adiunxisses. famam audieras, probitatem videras, ingenium ad mores tuos natum cognoueras. Statueras eiusmodi puellam è domestica disciplina nō ad aulicos tumultus, sed ad rerum curam diuinarum traducendam. Itaq; posthabito maiorum studio, qui regio sumptu magnificas substructiones erexerant, inaudita munificentia sibi posterisq; villarum & hortorum amœnitates comparauerant: domū fecisti receptaculum bonorum, sacrorum domicilium. In ea facellum marmore, pictura conuestitum, amplo pretiosæ vestis, argenti, auri, gemmæq; instrumento,

B

Sacer-

Sacerdotum frequenti cœtu, sacrisq; cæremoniis instructi, ut ædem augustissimam subire viderentur qui venissent in eam domum, ubi interdum noctuq; votis Deo persolutis omnia cantu, musicisque concentibus personarent. Illo nimirum Epithalamio Maria digna fuerat, illud tu Carmen in tanta nuptiarum lætitia repositabas, quod potissimum religioni diceretur. At ex iis quæ vitæ sanctimonia, quæ morum integritas consequuta est? felix erat familia vxoris fecunditate, tua dignitate, utriusq; virtute. In ore, in oculis ciuitatis tam laudabilis vitæ coniunctio, tam familiare ingenium, tam prosperæ fortunæ cursus versabatur. Nihil tu imperasses, nihil concupisses, nihil cogitasses, quod non coniugis vigilantia, obsequio, voluntaria quadam & libera seruitute actum perfectumq; ante oculos extitisset. Domi officiosa, foris pia & grauis, multa in preces nimis flexerat animum & sensus tuos. O fragilem mortalium spem, miseramque fortunam. Ex tanto felicitatis fastigio deturbatum Mariæ morte vix te viuum habemus. Spem liberorum, familiæ lætitiā, tui gloriam miserè ereptam idem abstulit dies, qui vxori abstulit vitam, ut integra iuuentute, quæ ad omnia incrementum facit, sane acerba celeritate ad immortalitatem faceret incrementum. Sed ego repente ad extrema sum prolapsus, reflecto iterum orationem, & ad vitæ consuetudinem redeo. Stabilita lege mane duas horas Deo quotidie consecrauerat: tantumdem vesperi. Mitto Sacerdotum preces nulla priuatim obligatione quotidie recitatas à femina: decantatas cælitum Domini laudes suas: solemni supplicatione mortuorum animas expiatis: mitto Psalterium totum sæpissime magna animi contentione decursum; qua in re ita neruos omnes pietatis intendere-

tenderat, vt in singulos Carminum exitus, flexis genibus humum prona oscularetur: & si forte obrepentibus cogitationibus euagata mens paulum aberrasset, statim iniecta religione, omnia cogeretur ab initio redordiri. Consulatur Virgines voluntaria deuotione ab hominum consuetudine domorum cancellis interclusæ; num in eius vitæ tranquillitate tantum sibi temporis ad preces obeundas, tantum otii relinquant, vt cum nuptæ opera grauissimis curis, vrbansq. muneribus implicatæ cōferre possim? Quod si idem faciunt, vt possunt ac debent; nonnè ijs magnum ad omnem vitam præsidium, magnum ornamentum est: ex quōtidiano labore ac molestia, tam longo spatio, in aspectu amplexuq; Numinis patefacto sibi ad diuinitatem aditu conuiescere? vt tāto præstantiorem Mariæ virtutē fuisse coniicias, cui talis otium vitæ in domestico negotio relictum est. Quid si dicam malorum inuitamenta illi facultatem dedisse augendæ Pietatis? Comædiæ nomen reformidabat in primis; quod hoc festiuium pœsis inuentum ad tristitiā feueritatemque mitigandam, à proprio iocandi genere vrbano, faceto, eleganti, miseret ad petulantiam flagitium scriptorum, actorumq. licentia detorqueatur: qui turpiter magis, quam comicè dicere, nec tam vulgi aures ridiculo inconditoq; verborum lenocinio demulcere, quam liberalium animos mimica procacitate conantur offendere. Huiusmodi fabulis, cæteroquin ingenua nobilium corona dignis, cum aliquando interesse inuita cogeretur, quod sciret altius menti insidere, quæ visu deprehenduntur, ne apta veritatis imitatio histrionis voce, vultu, gestuq; animum læderet; coniectis verecundè in terram oculis, pium aliquid suspenso cogitatione reuoluebat. Sed videte matronæ ingenium!

Quasi concepta ex spectaculo labes animum deformasset, quasi leuissima criminis macula foret ingenti fletu, & imbre lacrymarum eluenda: rediens à scena se dabat in preces, atq: absumptum futili negotio temporis spatium acerrimo sensu doloris, prorogatis tantumdem precibus deplorabat. Quid plura perquiro argumenta Pietatis? hoc vno admirabilius aut sublimius proferri nil potest. Tenuissima conscientiae suspitione soluebat vota, fundebat voces ac gemitus, neq: vllius errati expiationem, quod nullum susceperat, Maria impetrabat. Culpam veriùs aliorum illa precibus expiauit, quos fabulae potissimum licentia delectat, neq: in scena, vt saepe actores fallente vestigio, sed assidentes in orchestra, scelere ad spectaculum obligati, turpius corruunt. Quid, cum eodem animi ardore dies festos, alijs per otium agentibus, in vltimis aedium angustijs caelestium rerum commentatione, solitaria celebraret? quid, cum inter sacras lectiones, quibus mirifice delectabatur, effusa spiritus dulcedine, libellum magna lacrymarum copia perfunderet? quid, cum flagella, & cilicinas vestes corpori admoueret, eademq: domi reposita, clam custodita obseruaret diligenter, tãquam instrumentum voluptatis ac thesauros suos? Sed hoc ad alteram partem spectat orationis meae, qua Mariae virtutem sibi laboriosam, fructuosam alijs proposueram fuisse. Hoc vero quam rarum inter homines, atq: adeo vix humanum est, Auditores, vt omnia quis suo labore, aliorum vtilitate metiatur: & simul animum media virtutis via gradientem nec procul à diuino cultu curarum aestus abripiat, neq: priuatis occupationibus absorbeant domestica munera longe ab honestate fluctuantem. Sed nihil magis abhorret à moribus, & consuetudine nuptarum, quas de luxu

plerum

plerumquæ sollicitas scimus vix aliquid sâctum & graue, vanum certe & inûtile, & nescio quam formæ gloriæ ipso sæpius calamist'ro imminutam cogitare. Mader' vnguentis, cerussa fluere, suspendere in fronte fastigiatum capillamentum, sericis auratisq; vestibus interlucere credas in partem muliebris esse felicitatis. Ita diuisa mens (quod augustissimo oraculo Paulus edidit) nec totis, vti par est, viribus in Deum ferri, neque omni ex parte superis placere, aut aliorum bonis consulere ac providere potest. Quid hic de Maria loquar? cui proposita ante oculos ceterorum salus suo incommodo ac labore quærebatur. per luxum credo agebat vitam, quæ parco ac parabili victu, atq; adeo frequenti ieiunio naturæ desiderium explere cōsuevit. necessaria ad viuendum cibaria vel à primisiannis in circumeuntes pauperes erogauit: cultum omnem, fluxamque formæ gloriâ supra muliebrem modum, generosa quadam animi sublimitate neglexit. fucos, pigmenta, odores, & vnguentariam huiuscemodi luxus materiam illicò expirantem ne aspexit quidem. neq; enim alienam voluptatem tanti æstimauit, vt ipsa transcunte homines aliud agentes odor inuitaret, superos cum quodâ vtique fastidio auerteret. Placuit illi rubor pudore suffusus, candor ex inedia comparatus. Videbat quippe ad hæc animi ornamenta & insignia nequaquam speculo opus esse, quod inaudito apud feminas miraculo semper auersata est. Narrant facinus auditu periucundum, ad propositi fidem clarum in primis ac luculentum. Cum illustribus matronis, & Olympia matre Maria curru vehabatur per vrhem magnò ancillarum puerorumq; comitatu. Cumque incidisset, vt fit, de venustate sermo, pari omnes approbatione primas illi sine controuersia de-

ferebāt . Tum Māter, vos verò, inquit, quæcumque Maria sit iudicare potestis : haud facile illa de se sententiam feret, quæ obiecto speculo faciem nec vidit umquā, nec videre voluit . quas primo voces cum aliarum admiratione excepisset ; ex ijs vna, quæ speculum ē cingulo appensum gerebat : At non effugies inquit, quin semel arbitrio meo tui speciem intuearis in speculo . Negavit facturam Maria, quod numquam fecisset . Ita adhortantibus ceteris, vna etiam connitente, certamen illud illustri contemptione muliebris gloriæ, nobili contemptricis victoria diremptum est . o Semirames Theleslides, Penthesileæ, quæ naturæ condicione ad armorum usum ineptas manus bellorum ac præliorum sanguine perfudistis ; & vos romana femina tanto post temporum intervallo præclarissimi facti gloria superavit : quæ etsi virorum more ad bella fortiter gerenda valuistis, at vestras cupiditates, ac libidines numquam refrenastis . O Paulæ, Monicæ, Gorgoniæ, quæ laudum vestrarum præcones Hieronymum, Augustinum, Gregorium, viros sanctitate ac sapientia cumulatissimos inuenistis ; aliquid recenti memoria factum videtis, quod ab illustri numquam femina, à nupta adolescentula excogitatum nulla veterum memoria celebravit : quod (vt timide dicam) cum vestris aliquo modo conferendum, talibus certe scriptoribus dignum videtur, si tales nostra temporum memoria produxisset . Quid enim magis notione Naturæ insitum hominibus impressumque est, quam vt suamet bona extrinsecus posita recognoscant, & aspectu habituque corporis, qui latentis animi sermo est, iucunda cum voluptate perfruantur ? Ad amnum liquores, ad lucidos fontium lapsus, ad maria accurrunt, vt fluitantem in aquis, sine succo sanguinis sine colore innatantē

figu-

figuram ac speciem contemplantur, & Socrati speculū  
præcipienti saltem capitonis & arimaspi Gigantis exē-  
plo respondeant.

*Certe ego me noui, liquidaq: in imagine vidi  
Nuper aqua, placuitq: mihi mea forma videnti.*

Quod si ad vultus lineamenta accedat apta partium  
compositio, si venustas, si dignitas; dubitandum erit,  
quin hæc corporis & naturæ bona, in quibus veneratio,  
& locuples laudandi facultas inest, aliquando homines  
intueantur? Quis igitur in Maria sensus, quæ constan-  
tia impotentem huiusmodi cupiditatē perpetuò refre-  
nauit? quæ virtus naturæ vim fregit? impetum extin-  
xit? leges abrogauit? cum præsertim ad eius vitæ orna-  
menta connubium adiungeretur, iuuentus ad ætatem,  
ad leporem grauitas, ad pulchritudinem maiestas, nihil  
deniq: huic vni deesset, quo romanas feminas nobilif-  
sima matrona æquare posset aut vincere. Nimirum spe-  
ciem animi pulchriorem non regeſtam fragilis laminæ  
repercussione, sed effundentis se Numinis luce contem-  
plabatur: & si speculum adamasset, quid præter immor-  
talem animum adamare pōtuit, in quo suam ipsius ima-  
ginem similibus inductam notis intueretur Deus? vt ipsa  
& speculum Deo esset, & vicissim in Deo se quasi hau-  
ſtam ex infinita diuinitate particulā specularetur. At qui  
paruo contenta quæ tam parcè, tamquē restrictè secum  
ageret, quam benefica in externos, quam effusa in dome-  
sticos ac salutaris extitit? Et seruos quidem opinione  
sapientum nouerat conseruos esse liberorum; quod æquē  
in omnibus rerum vicissitudo dominatur, neq: vllus in-  
feriori fortuna, in quam transire ceteri possunt, ad con-  
temptum deprimitur. Eos igitur non verbo, non vultu

læſif-

læssisset, maledicos amandasset; mores ac sermones detestata fallacium hominum ad aliorum exitium ac labem, ad perniciosam voluptatem omnia loquentium, nihil ad veritatem. An vero quisquam tam impudens, tam perditus esse potuit, qui in eius oculis alium quempiam criminis auderet insimulare, aut in famam petulanter inuadere? Quam multos arbitramini qui grauem sibi ac periculosam domini offensionem concitarant, eadem deprecante in gratiam ac beneuolentiam restitutos? alijs pecuniæ in iudicio damnatis, quam numerate non poterant, copiose magnam vim auri subministraram: alios ample lauteq; Mariæ largitionibus conseruatos: virum non blanditijs ac muneribus, at infimis officijs & obsequio delinitum: ita deniq; eodem tenore virtutis gubernata omnia, vt domi vox nulla impura, vehemens, atrox, nulla facinorum vestigia, nulla suspicio sceleris: foris plena omnia Mariæ laudibus, plena exemplis, comitate, munificentia. Equidem inuolui hæc potius, quam explicaui. sed maturandum fuit, quod Maria nimis immaturè præcurrit ad mortem. Ita fit, vt, quemadmodum plantæ modicis aluntur aquis, nimijs suffocantur: sic animus magnis laboribus in medio rerum cursu deficiat, atq; oppressus ipse se deserat aliquando. Instituerat Maria quidquid ageret, vbicumq; esset, neq; se à diuinis abducere, neq; grauissimis curis iusta honestaq; voluptatis lætitia relaxare. Itaq; etiam in amœnitæ Tusculana, concamerata è frödis, ac virgultis virenti casula, statis horis Sacrosanctum Eucharistiæ Sacramentum inaduerso colle, ipsoq; D. Gregorij templo collocatum è solitudine venerabatur. Cæli, ac rei insolentiam noua ægritudo consequuta est; gaudente Maria, morbi, & si res ferret, mortis causam ex vitæ auctore



etore promanasse. Igitur in urbem reuerſa accurrentibus cognatis, perturbata familia, ſuſpenſa rei euentu Ciuitate, non ſeſoſo horridoq; veſtitu priſtino more in lecto decubuit, ſed vrgente vi interioris mali aut horrebat vehementiſſimè, aut inflammati æſtus longiſſima periodo torquebatur. Hic nulli ab ipſa gemitus, nulla querimonia, nulla ſuſpiria. Vna erat ſpes, ſi conceptum à ſeptimo menſe fetum enixa ante Infanti vitam ac lucem daret, quam ipſa amitteret. Atqui paulo poſt partus editus animi ægritudinem ſoluit, nam Baptiſmo expiatus, atq; in Cælum præmiſſus matri mox iter facturæ nouum tamquam ſydus præluxit. Neque inuſitatum erat, vt nouo liberum aſpectu, quos exanimatos antea crediderant, præ lætitia exanimarentur matres. Itaque Maria, quæ filium vita donatum ad immortalitatem tranſmiſerat, cur minimo interuállo hæſitantem adhuc mortem remoraretur? Adſtabant ingenti ſollicitudine, ac luctu parentes, viri lacrymis perfundeſcebatur, augebatur familiarium gemitus, omneſq; vigorem illum iuuentutis, illam ſpem ætatis, indolem illam verè Romanā ac Cæſiam deſloruiſſe querebantur. Nemo Mariam aſpexit, qui lacrymas teneret: qui luctum non tolleret, cum videret ſemimortuæ vultum pallore ſuffuſum, liuentes oculos, cauatam frontem, ſpiritum ægro anhelitu interceptum, membra vitali ſanguine ſenſuq; deſtituta propinquæ morti gelidum atq; informe receptaculum deſtinaiſſe. Aderant filioli eiulantes, quos pauliſper al-leuans oculos moriens mater conſolabatur, ac viro in extrema ſignificatione voluntatis penè pereunti, inter mortuis vocibus commendabat. En mei memoriam, obſides amoris, pignora beneuolentiæ. Habes apud te, quo Mariam vel mortuam recorderis, habeo ipſa, quo  
de Cæ-

de Cælo, ut pie præfagit animus, ad sim delictis meis, filiis  
tuis. . Amorem defunctæ coniugis iam transferre potes  
ad liberos, ut sentiant plus quam patris esse amorem tuum,  
quod ad pietatem erudiuntur, ad virtutem adoleſcunt :  
Quas hic lacrimas renouata omnium lamentatio excuſ-  
ſit ? cum tamen animus deſiderio diuinitatis, immortalis  
corona inſignis, uti ſperare iure poſſumus, properaret in  
Cælum : o miſeros Matris amplexus, inter quos repen-  
te filia exanimata eſt : o coniugis infelices manus, quæ  
ſuprema teſtificatione beneuolentiæ, defunctæ oculos  
clauſiſtis. Abijt quidem Maria, & magna hominum ac-  
clamatione peracto curſu mortalitatis grauiffimam do-  
loris acerbicatem Cæſio ſanguini legasſe viſa eſt. Neque  
enim non filia parentes, fratres ſororis, vir coniugis ſuæ  
meminiſſe, nec ſine lacrymis recordatio eſſe poteſt. Ipſa  
hæc lugubris pompa, & luctuoſa laudatio nonnè ad au-  
gendum magis, quam leuandum acriori remedio dolorẽ  
inſtauratur ? niſi aliquod ſolacium eſt, Mariæ memoriã  
magnificentiffima funebrium cæremonia, publica lamen-  
tatione Ciuitatis, qualicumq; oratoris commemoratio-  
ne reuixiſſe. Sed cum quod naturæ conditione cum ce-  
teris illi communẽ ſuit, deplorandum eſt non lætandum  
magis, quod ceteros ſingulari fortunæ ; animique præ-  
ſtantia ſuperauit ? Neque enim parentes immortalem  
filiam voluerunt eſſe, ſed inter mortales illuſtrem ; neque  
olim in lucem editæ natalitijs votis perpetuum vitæ fru-  
ctum, ſed nominis & famæ precabantur. Iam vero quid  
altius videre potuit in honore Cæſio, in Altaem-  
pia dignitate, in gloria virtutis, quò productis vitæ ſpa-  
tijs poſſet aſcendere ? Paternum genus ſui nominis laude  
honeſtauerat : nupſerat in ampliſſimam domum : liberos  
dederat : familiam ad omnem integritatem compoſuerat  
exem-

exemplis instruxerat, pietate adornarat: semper sibi cō-  
stans, in ore ac sermone omnium, parum naturæ vixerat,  
multum gloriæ suæ. Quis enim exitus vitæ longo an-  
norum interuallo ad vltimum vsq; senium prorogatus,  
plus admirationis fuisset habiturus, quam in hoc intem-  
pestiuè Maria consequuta est, illustri ac peruagata ma-  
gnorum vel in suos, vel in alios fama meritorum? Vt im-  
matura mors non abstulisse bona videatur, sed mala in  
posterum prohibuisse. Non vidit suorum luctus, non  
squalorem familiæ, non propinquorum interitus, quæ  
humanæ vitæ inflicta quotidie vulnera lamentamur, nec  
tamen viuendi modum nostris circumsepti miserijs &  
calamitatibus inuenimus. Quod si ex illius desiderio  
tantum parentibus, tantum viro laborandum fuit, næ  
illud, dum viueret, copiosè leniuit; quæ vt numquam de-  
pingi voluit artificis manu: ita in filijs, hoc est viuenti  
spirantiq; parentum imagine, matrem reliquit. Illi mœ-  
rorem omnium non verbis, non oratione in hac ætacula,  
sed aspectu consolabuntur; in quo matrem, vt semper  
mortuam intueantur, miro artificio natura expressit:  
ijdem procedente ætate, vbi se adulescere ad gloriam  
animaduenterint, manifestò declarabunt quantum in-  
dolis, quantum ingenij, quantum virtutis hauserint ex  
Maria, cuius memoria temporum diuturnitate, qua cete-  
ra omnia contabescunt, in Cælia, atque Altae in ipsa am-  
plitudine clarior, & illustrior futura sit.

L A V S D E O.

